


www.BibleForChildren.org

Tsutiarika 3



'Uki yu'ia 'Ewa pitiuteriwaxi, miki
yunaima nuiwarite wamaama
mayanikekaiki.




Kuu, kwinimieme katinimaiwekaitini
keyuri hipati yeutari Yawé Kakaiyari
muwarutawewiekai, hiki 'uka mipai
pitiuta'iwawiyaxi: –¿Kakaiyari mipai
pikahainekai xiri kename
xeka'ikwaka naime 'ikwaxi harawerita
mieme?




'Uka mipai katinita'
eiya: —Tepiyiwawe
naime 'ikwaxi
temitikwaniki.

Miki xeikia 'iteiri 'ikwaxiyari haraweri hixiapa
muwe, tepikayiwawe temitikwaniki Kakaiyari
pitarahiawekai kename teka'ikwakakekai
'ikwaxi miki 'iteiritsiemime,
xika te'itikwani tepikwini.



Kuu 'uka mipai
kaniutahiawe: —Tixai
xepikakwini. Kakaiyari
katinimaika kepauka
xemitikwani miki 'ikwaxi, kwinimieme
xetemaiwaweti xepakine, xepitemaika tita
'aixia miti'ane, tita 'axamiti'ane,
Kakaiyari hepai
xepi'eneneni.



Hiki 'uka miki 'ikwaxi witsi'aneame
kaniuxeiya kanitihwe'erien
mitakwaniki, timaiwetī mayaniki. Hiki
kaneka'inini kanitakwani. Kwitita
yikina kaniumini mikita kanitakwani.



'Ana kwiti mekananutaneniere yuhutati
'arike mipai mepitehetima
mepimamawekai, hiki piní xawariki
petsera mekaniyutiwewirieni
memuyutetewiyakaiki.





Peru Yawé

Kakaiyari 'uki kaniutahiawe mipai

'utaiti: —¿Hakewa pepeyeika?

'Uki mipai kaniutayini: —Nepimatsi'u'eni 'uwa
pe'uyeikame nepimatsi'utimaka nemimawekaiki,
'ayumieme nepiyuti'awietaxi.





Hiki Kakaiyari mipai kaniutayini:
—¿Kemi'ane mipai matiutahiwixi
kename pemawekai? Miki 'ikwaxi
nemixemaiwe'erikatsitiakai xekate'utikwai.




'Uki mipai kaniutayini: —Miki 'uka
peminetsi'uwititla, pinetsi'umi nepitakwai.
Hiki Yawé Kakaiyari 'uka mipai
katiniuta'iwawiya: —'Uka 'aku kepetiuyuri.
'Uka mipai kaniutayini: —Kuu
pinetiu'iriwiyaxi 'ayumieme
'ikwaxi neputakwai.





'Ayumieme Yawé Kakaiyari
kaniwaranuyeweiya teiteri 'Ereni
haraweriyarita, kaniwarupitiani
memite'uximayakaki kwiepa,
'Arani kwieki mutawewiyaki.




Waranuyeweyaka,
haraweri 'Ereni tau manatineika
hepatsie Kakaiyari teitametemama
memayeneniere meta xeime
'ixipara takame naitsarie
'uyuaneme, huye mi'iwiyaniki
kiye tukari
tiyupitiwame
hetsia meutayune.



'Arani yu'iya 'Ewa hamatia xeime nunutsi
mekanayexeiya Kahini katiniteriwa. Mipai kaniutayini
'Ewa: «Yawé netsiparewiekaku nunutsi 'ukitime
nepayexei». 'Ariketa hutarieka 'Aweri kanayexeiya,
Kahini mutaya. 'Aweri muxatsi


wahiweme
kanayani,
meta Kahini
kwiepa
ti'uximayatame
patia.




Miixa tukari 'anuyeyaku Kahini Yawé
katiniutimawirieni tita kwiepa mtiuka'e.




'Aweri kani'atianita Yawé hetsiemieme muxa 'aixia
mí'ane matíari mieme muwaiya mawari mayaniki, Yawé
'Aweri 'aixia katiniuxeiya meta mawarieya pinakixi, peru
Kahini mipai pikatiuxei meta mawarieya
pika'inakixi. 'Ayumieme Kahini
kaniuyeha'ani, yu'uximatíati
'aniuyeikakaitini.



Hiki Kahini yumuta 'Aweri hamatia katiniutixata.
Kepauka yeuta yuxaita memu'uwakai, Kahini yumuta
kaniumieni.



Hiki Yawé Kahini mīpaī katiniuta'iwawiya: —¿Hakewari
'a'iwa 'Aweri? Kahini mīpaī kaniutayini: —Nepīkatimate.
¿Nekuta ne'iwa neti'iwiyame?
'Ana Kahini Yawé kaniuku'eirieni,
Nuri kwieyaritsie kaneyani,
'Ereni makuma tau
manatineika hepatsie.



'Arani hairiekata yî'iya matia xeime nunutsi
mekanayexeiya, Tseti katiniteriwa, mipai 'utayika:
«Kakaiyari pitatsi'upitia xeimeta nunutsi
temayexeiyaki, 'Aweri hetsiemieme, Kahini
mimiekaiki».



Tseti 'utinuiwaku, 'Arani kaniuyurieni 'atahaika
tsienituyari wiyari, warayexeyaka tawarita 'ukitsi
meta 'ukari. 'Arani kaniumini 'atanauka
tsienituyari heimana xeitewiyari heimana
tamamata wiyari hexeyati.




Hiki Yawé niereti teiteri ke'axa kwinieme
memiteyuriekai, 'axamiti'ane hetsie xeikia
memiyikihawekaiki, kaniuta'iyarixieni
titayari kwiepa tewi mitiutawewiekai,
hiki 'iyarieyatsie neikwine.




'Ayumieme Yawé mipai kaniutayini: «Tewi kwiepa nemitawewi nekanekumaweriyamiki, yaxeikiata nekatiniyurimiki yeutari wahetsie, kuterixi meta memite' awiwawe. ¿Titayari netiwarutawewi?»



Matsi Yawé Nuhexi kanixeyakaitini,
kaninakekaitini ke'aixia mitiuyeikakai.
Yuniwema yuhaikame kaniwarayexeiya:
Tsemi, Kami meta Kapeti.



Kakaiyari 'ipai katiniwanaki'erieka
kwiepa memitama. Yuniwe muyuxewi
kaniyetuani memikatatimaiyarieniki,
yunaiti yuri memite'erie
hetsiena, tukari mikaxiwe
memexeianiki pita.



Xumatari 3:23 'Axamepite'uyuri yunaiti, yunaiti
mepika'aye'axiawawe Kakaiyari witsimitiwaxeiyaki,

Xumatari 6:23 Kamitsi, kemi'ane 'axamitiuyuri, miki miyaki
'apirapiniyarieni, peru 'imikieri Kakaiyari mitatsiyetuirie,
tukari mikaxiwe kanihikitini Tati'aitiwame Kiritsitu Ketsutsi
hetsie tetewiyakaku.

Hepirayutsixi 9:27 Teiteri wahetsie katininakimiki xeimieme
memikwiniki, 'ariketa 'itsikame kaniwatahiawimiki.

'Epetsutari 2:8,9 Mipai 'aixia mitiuka'iyariki,
'ayumieme xeputawikweitsitiae yuri xete'eriet. Peru
kexemite'utawikweitsitiae, yikimana xepika'
utawikweitsitiae. Kakaiyari pita yakatinixe'upitani.
Tixaiti xemite'uyuriki xepika'utawikweitsitiae.
'Ipai nepaine kapa xewiti naki'akaki yikimana.



Xumatari 10:9,10 Mipai paine: xika 'ateniki peti'ahekiatiaka
Ketsutsi hetsie petiwiyaTi Ti'aitame kemitihiki, xika 'a'iyariki
yuri peti'erieka kename Kakaiyari henukuketia mikite
watsata, pekanitawikweitsitariemiki.

Yu'iyariki tewi yuri piti'erie heitserie mipitarieniki.
Yuteniki pitiyuhekiatia mitawikweitsitarieniki.

Wani 3:16,17 Kakaiyari 'ipai katiniwanaki'erieka
kwiepa memitama. Yuniwe muyuxewi kaniyetuani
memikatatimaiyarieniki, yunaiti yuri memite'erie
hetsiena, tukari mikaxiwe memexeianiki pita.
Kakaiyari kwiepa kemireiyeni'a yuniwe, mipai pikatiuyuri
miwaranutaxirieniki kwiepa memitama. Matsi kwiepa
memitama memitawikweitsitarieniki kimana,
'ayumieme pita kaneiyeni'ani.



1 Wani 5:11-13 Mipai paine tita mitihekata: Kakaiyari
kataniupitiani tukari mikaxiwe, nu'ayatsie kanixuaweni miki
tukari. Kemi'ane nu'aya mexeiya, tukari pexeiya, kemi'ane
Kakaiyari Nu'aya mikahexeiya, tukari pikahexeiya. 'Iki
nepitixe'uti'utiiri xeme yuri xemite'erie kemi'ane Kakaiyari
nu'aya mihikitsie, xemitemaikaki tukari
mikaxiwe xepexeiya.



Tsutiarika 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Huichol Bible (hch) © 2020,
Wycliffe Bible Translators, Inc.

<https://live.bible.is/bible/HCHWYI/GEN/1>

©2026 Bible for Children, Inc.

www.M1914.org

www.bibleforchildren.org

